

## Payí Poro Timotio nání rítwíyo eaŋñnaríni.

Payí rína Timotio nání Poro ná rítwíyo eaŋñnaríni. Poro ámi aŋí yoí Romíyo gwí níŋwearíná Timotio síní Epesasíyo níŋwearí Jisasoyá sítikí e imónigfáyo umeŋweanjáná Poro “Nioní nípikipíri aŋwi ayoríani?” níyaiwiríná Timotio ení neága nurí pí pí wímeáfpimi xopírárf wipaxí imóníwíniŋgíni payí rína nearí díŋí sítixí umímoŋjníngíni.

<sup>1</sup> Poroní —Nioní Goríxo wimóníagi nání Kiraísí Jisasoyá wáí wurímeiarínjá wonírini. O tñíti nikáríniříŋjpími dání díŋí níyímiŋí imóníŋwá Goríxo negí sítimanaŋíyo dáníniŋí “Apí seaimíári.” nearíŋjípi nání wáí wurímeíwíniŋgíni nírípeaŋoniříni. <sup>2</sup> Nioní Timotioxí —Joxí gí niaíwoxíniŋí díŋí sítixí rítvijáoxíni. Joxí nání payí rína nearí mónapariŋjíni. “Negí ápo Goríxo tñíti Ámíná Kiraísí Jisaso tñíti awauí wá rítwianíri ayá rítvímíxíri joxí níwayíróníri njwearí nání siiri éfisixíni.” nimónaríni.

*“Joxí nání Goríxomí yayí wiariŋjári.” uríŋjí náníri.*

<sup>3</sup> Nioní aníŋí ikwáwíyiraní, árítwíyiraní, Goríxomí joxí nání rítvíŋí níruríyiríná omí — O nioní yariní re niníríná “Negí arfówa omí pírániŋí níxídiróná yagfápa nioní ení axípi

xítaritñáonirani?" yariñf e ninirfná esisf bñ  
mñniní xítaritñáorini. Omi joxi nání rixñf  
nirurtyirfná yayí wiariñárit. <sup>4</sup> Nioní yayí  
niisiárimi níbirfná joxi ñwf neawártagi ranitñápi  
nání dñjí nímorfná ámi dñjí niñá ayá wí ninintá  
nání "Síywí orantimini." niyaiwiri ikñitñf sfpí  
niariñfrini. <sup>5</sup> Joxi nání dñjí nímorfná dñjí re  
ninariñfrini, "O mimóní dñjí wíkwírojomani.  
Aga nepa Jisasomi dñjí wíkwírojorini." Dñjí  
e ninariñfrini. Dixí ríái Roisí xámí wíkwírori  
dixí rínáí Yunisí ení wíkwírori yagfipa joxi ení  
"Axípí wíkwíroariní." nimónariní.

*"Xwiyá yayí neainaritñfí nání ayá  
misinípani." uritñf nánirini.*

<sup>6</sup> Ayináni dirirí rípi osimini. Nioní gí  
wé seáyt e sikwiáráná Goríxo e epaxo  
imóníwíñigini - Apí rixa rfnayfni  
yáritñfípírini. Apí ámtí ríá ápiawí xwé oeniri  
píramí yariñwápánitñf inírixini. <sup>7</sup> Ayí rípi nání  
rítaritñfí. Goríxo kwíyí ayá igigí neainípaxí  
imónitñfí miñeaiapí ejí neánirane ñweaaníwá  
nání neaimixíri ámáyo dñjí sfpí wianíwá nání  
neaimixíri awayini nípíreánirane yaníwá nání  
neaimixíri ení nání imónitñfí neaiapí ejagí  
nání raritñfí.

<sup>8</sup> Ayináni negí Áminá Jisasí Kiraiso nání wáí  
nurirfná ayá wí misiní ananí wáí urírixini.  
Nioní o nání wáí urímearitñfí nání gwí  
nítñwírárigfoni nání ení ayá misinípa éwíñigini.  
E mepa nerí Goríxo ejí sifí símitxíñfípmi  
dáni re yaiwírixini, "Nioní ení Poro ejípa  
axípí nerí xwiyá yayí neainaritñfí wáí

urarinqápimi dání xeaninjí nínimearínáyí, ananirini." yaiwírixini. <sup>9</sup> O nene yariñwápi nání dínjí nímorí yeáyí níneayimixemearí gí ámá siyikwí míngíyáyí oimónípoyiniri wéyo fá neaumirijámani. Ejíná dání "Nioní wá niwianirí e wiimfárini." yaiwiáragípi nání dínjí nímorí yeáyí níneayimixemearí nioniyáyí oimónípoyiniri wéyo fá neaumirijáfrini. O xwíá síní mimixinijáná re niyaiwirijápmi dání wá neawianinjári, "Kiraísí Jisaso ámáyo yeáyí uyimixemeáwíniginiri urowárfimigini." niyaiwirijápmi dání wá neawianinjári. <sup>10</sup> Ejíná dání wá e neawianinjí ejagí aí agwí ríná Kiraísí Jisaso —O yeáyí neayimixemeaníá nání neaiiñorini. O rixa xwíá týo níbírjápmi dání Goríxo "Wá seawianímárári." ráriñípi rixa sínjání piaumími ininjári. Xwíyá nene yayí neainarinjápmi dání Jisaso wíá neaókimixáná re niyaiwirane níjíá imóninjwini, "Pearijwápmi Jisaso xopírárimí iyí ríwinjíngini?" Dínjí niyimijí nene maníní aninjí ñweaníwá nání ipí ríneaiapinjíngini?" niyaiwirane níjíá imóninjwini. <sup>11</sup> Xwíyá yayí neainarinjí apí nání áwanjí urímerí wáí urímerí uréwapíyemerí éwíniginiri nírípeañonírini. <sup>12</sup> E nírípeañoni ejagí nání xeaninjí rípi nímeañfrini. E nerí aí apí nání nioní ayá wí mininarinini. Ayí rípi nání ayá wí mininarinini. Goríxo, nioní dínjí wíkwítronjáo nání nioní níjíarári. "O xwíyá yayí neainarinjí wáí ríméwíniginiri nání fáninjí niepíxñiasinjípi sáfá Jisaso weapinjáyi imóníe nání ananí meñweapaxorini. Ámá ámi

síñf xegí bì tñi sayá nimixíri rípírixiníri menjweapaxorini.” nimónarínjagí nání ayá wí mininariníni.

<sup>13</sup> Xwiyfá ejwípeárinínjí, nioní xamíñoxí e dání wáf uríri uréwapíyiri éwíñiginíri síñwepigí siarfná arfá ninípí xaíwf fá xirírixiní. Kiraísí Jisaso tñi nawíní nikárinírfná dñíñf wíkwírofí dñíñf sítí uyirí neríñfpimí dání xwiyfá apí xaíwf fá xirírixiní. <sup>14</sup> Xwiyfá ayá tñíñf imóniníf fániníf siepíxñiasiníñf apí kwíyí Goríxoyápimí dání —Apí sítíkwí bì míñíñfpírini. Dñíñf neaxíxéronjípírini. Apimí dání fániníf siepíxñiasiníñfípí fá níxíriri menjweáírixiní.

*“Esia píropenisíyo dáníyí níniepísamoárimí ugíawixiní. ” uríñf nánirini.*

<sup>15</sup> Joxí níjíráiní. Esia píropenisíyo dání Jisasoní dñíñf wíkwíroarígfá níñf níniepísamoárimí ugíawixiní. Níniepísamoárimí nuróná wigí waú Pigeraso tñi Xemoseniso tñi awaú ení níniepísamoárimí ugíisixiní. <sup>16</sup> E nerí aí “Ámíná Jisaso Onesiporasomí tñi ámá xegí anjiwámí wearígfáyo tñi ayá urímixíwíñiginí.” nimónarini. Ayí rípí nánirini. O ámí ámí dñíñf sítí nímímoayinírini. Nioní gwí ñweanjáoni nání aiwi ayá mítwiní <sup>17</sup> aní Romí rípimí nírémonapíríná nioní nání ayá tñi píá néra nuri nímeañiniginí. <sup>18</sup> Ayinání “Síá negí Ámíná Jisaso ámá níyoní mí ómómixímí enfáyimí omí ayá urímixíwíñiginí.” nimónarini. Nioní síní Epesasíyo ñweanjáná seáyí o niñípí nání ení joxí ríxa níjíá imóniní.

## 2

*“Xwiyápi wíyo eni fánijf wiepfxníasírixiní.”  
urijf nániriní.*

<sup>1</sup> Ayináni gí niaiwñiñf imóniñoxí, joxí re níyaiwinirinípimi dání, “Kiraísí Jisaso tñí nawíní ikáriñiñáoni ejagí nání Goríxo wá wí mìnñwianípa yariñfraní?” níyaiwinirinípimi dání ejí sítxí eáneí. <sup>2</sup> Xwiyáá nioní ámá obaxí arfá egéé dání rarfná arfá niñípí joxí eni ámá dñíñf unjwíráripaxí imónigfáyo áwaní nuríri fánijf wiepfxníasírixiní. Ayí e dání xamijf wíyo uréwapíyipaxí imónipírfa nání rírariníñi.

*“Jisasomi xídaríñagi nání sikárfápi xwámámf  
wírixiní.” urijf nániriní.*

<sup>3</sup> Ewayí xwiyáá bí rípí nání dñíñf moi. Símiñf wínarigfáyí wamí wímeanípí nání ududí mirinípa nero wigí mixí ináyomí ejí neániro númí uxídarigfáwa yapi joxí eni axípí e nimóníri Kiraísí Jisasomi níxídirfná símeanífápi nání ududí mirinípa nerí xe onímeaníri xídirixiní.

<sup>4</sup> Símiñf wínarigfáwa símiñf wínarinwáo none yariñwápi nání yayí owininíri pí pí omiñf ámá súa ayí ayo yarigfápi xe nawíní rígwírtgwíñiñf oeániníri mé ná bñíti xfo wimónarinípini yarigfáriní. <sup>5</sup> Ewayí xwiyáá rípí nání eni dñíñf moi. Yamíyamúrónigí inarigfá go go yamíyamúrónigí inípíri nání xiáwo ráritípimi xíxení arfá miwí anijf winítagí nání manjí níwiaíkiri xegí dñíñf tñí áwini e níyaimí níyapírínayí, yayí níwimori yamíyamúrónigí niníríná müróomi miñi winípí wipaxí meniní.

**6** Ewayí xwíyfá rípi nání ení díñf moi. Ámá nírfkwíníri omíseáyí éo, o xámí wíwamí nímúrorí aiwá nímirí nípaxoriní. **7** Ewayí xwíyfá nioní níra weapariñáyí nání díñf moi. Joxí e nerfná Ámínáo simixíñfpimi dání re yaiwipaxfrínt, “Ayí apí nání rífa ríñiní? Apí nání rífa ríñiní?” yaiwipaxí enjagí nání “Apí nání díñf moi.” rírariñiní.

**8** Joxí Jisasí Kiraiso nání arfá wí mikeamopaní. Nioní xwíyfá yayí neainaríñfpí wáf níríríná re raríñápa “O nípémáná ámi xwárípáyo dání wiápñímeañoriní. Negí arío mítixí ináyí Depitoyá iwiáríawéyí woriní.” E raríñápa o xíxení apí e imóníñoriní. **9** Nioní xwíyfá apí wáf uraríñagí nání “O nípíkwiñí miyarininí.” níniaiwiro xeaníñf nínikárayiro ámá ríkíkírtó yarigfáyo gwí ñwírárarigfápa apí ení apí ení nigfáriní. Nioní gwí níñwíráráigfá aiwí xwíyfá Goríxoyápi ení gwíñíñf miñwírárininí. **10** Xwíyfá Goríxoyápi ení gwíñíñf miñwírárininíñagí nání nioní ámá Goríxo xegí fá yiyamíximí enjyí nání díñf nímorí nioní nikárarigfápi nípimíñf xwámámí wiariñáriní. Ámá ayí Kiraisí Jisasomí díñf wíkwíróáná o tñí nawíni nikáriniríñfpimi dání yeáyí uyimíxemearí anjínamí xíó tñí aníñf seáyí e nimóníro ñweapfrífa nání wimíxíri éwíñigíníri e yariñáriní. **11** Xwíyfá re ríñiñfpí nene díñf ñwírárpaxípíríní, “O tñí nikáriniríñfpimi dání penwaénéníñf enjánayí, díñf níyimíñf ení tñíwaéne nimóníri o tñí ñweaníwáríní. **12** Nene pí pí neaímeáfyo xwámámí níwiranénayí,

wíyo eni seáyí e níwimónirane xfo tñi nawíni umeñweaníwárini. Nene ‘O negí Ámináomani.’ níriranénayí, xfo nene nání eni ‘Ayí nání nioní majfáriñi. Gí ámá wímaní.’ ríntáriñi. <sup>13</sup> Nene ínína dñíjí neanwíráriþaxípi mepa yariñagwi aiwí o sa aníñjí dñíjí uñwíráriþaxípi yariñorini. Ámi sínjí bi nimixíri ríþaxí mimóninjo enagí nánirini.” Xwíyfá e ríñiñíþpi nene dñíjí ñwíráriþaxíþpiñi.

*“Uréwapiyarigfáyí xwíyfá ximiximí niníro mirinípa éfríxini.” uríñjí nánirini.*

<sup>14</sup> Xwíyfá nioní ríraríñápi ámá joxí tñíjí e ñweagfáyo dirírfí wítrixini. E nerfná Goríxo sínjwí aníñje dání joxí ríperírfí xwíyfáníñjí bi mírfí aga nepa sekaxí re urítrixini, “Xwíyfá nání ximiximí niníro mirinípa époyí.” urítrixini. Ximiximí niníro ríñarigfápi ámá wíyo nanjí bi wíiaríñímani. Aríá wiariñgáyo xwírtá wilíxeariñjí enagí nání raríñini. <sup>15</sup> Goríxo “Timotio mímíwiároariñjí wo ríá imóniní?” osiaiwiniñi aníñjí minfí éfríxini. Xwíyfá nepaxiñjí imóniníþpi xegí ríñiñíþpa níreñwípéa nurí urítrixini. E nerí re éfríxini. Ámá wigí omiñjí nerfná nanjí éffá enagí nání “Ámá omiñjí nioní éápí sínjwí níwíñiríñayí, ayá niníþaxímani.” yaiwiariñgíyí yariñgíþpa axíþpi éfríxini.

*Sípí xwíyfá Goríxomi mixídarigfáyí rarigfápi nánirini.*

<sup>16</sup> Xwíyfá ámá Goríxomi mixíðipá nerfná ríro íkfá iwyó dání ríro yariñgíþpi gí tñíjí e dání oríþoyiníri sínjwí níwíñípa éfríxini. Ayí

rípi nání rariñini. Xwiyfá íkfá iwíyo dání rarigfápi, ayí Gorixomí mifxidipá epírifá nání ná jíe xixoyípi míoaríñfriní. <sup>17</sup> Ámá ayí wigí pfné e rarigfápi oremániñf xwé nimóga untá enagí nání rariñini. Ámá e rarigfáyí wigí waú Xaimeniaso tñi Pairitaso tñi awaúrini. <sup>18</sup> Awaú xwiyfá nepaxiñf imóniñfípi pñi níwiáriri majimajfá néra xeñwími nuríná re rarigfíwaúrini, “Kiraisomi dñíf wíkwírówaéne negí dñíf sñjí neaimixífpimi dání rixa wiápñimeáwá enagí nání nípémáná negí warápi ámi ríwéná bi wiápñimeanfámani.” rariñagfí nání ámá dñíf wíkwírogfá wí midimidání ayagwfí imixárinfáriñi. <sup>19</sup> Wí midimidání ayagwfí imixárinfá enagí aiwí xwiyfá Gorixoyápi sñjániní eaárinini. Xwiyfá oyápi sñjá anf nímiriróná sñjá iwamító nitiwayírori tígíapí wí mifkwierómioá xaíwí sñjániní eáninípí yapi imóniní. Sñjániní eáninípimi ríwamíñf rípiaú níriniri eániní, “Ámá xfoyá imónigfáyí ayí Ámináo o níjíráriñi.” ríriniri “O gí Ámináorini.” rarigfá giyí giyí wigí sipi yarigfápi ríwíminí umamófríxiñi. ríriniri enípiaú apimi níriniri eániní.

*“Gorixomí seáyí nañf wiipaxoxí imónírixini.”  
uríñf nánirini.*

<sup>20</sup> Anf xwé wiwámí sifxí xixegfíni wení. Sifxí awiaxfí sñjá gorí tñiraní, sñjá sirípá tñiraní, imixiníñfípi miwenini. Úrapí sifxí íkfá tñiraní, xwíá tñiraní, imixiníñfípi ení wí wení. Wíniyí ayá tñi mearigfápirini. Wíniyí

ayá tñi m̄imearigfápiriñi. <sup>21</sup> Ayináni ámá giyí giyí s̄ipí apí n̄ipiní nání igfániñí eánigfáyí, ayí ámá Gorixomí seáyí naní wiipaxfýriñi. Sixí ayá tñi mearigfáwáníñí imóniñoi. Xfo “Awá tñi e éimigini.” wimónariñípi nání ráríñí imóniñíwáníñí imóniñoi. Sixí rixa dñíñí peyeañíwá yapi mimóní aŋí xiáwo s̄iní awá tñi aiwá ríá yeaanipaxí imóniñwá yapi imóniñoi. Sixí pí pí naní imóniñípi nerfná meámíániri wí e pírániñí nimixiniro weñíwá yapi imóniñoi. <sup>22</sup> Ayináni íwí s̄ikinoyíne feapá seañítpí pírí n̄iwiaíkiárimí éf úirixini. “Wé róniñí imóniñípimíni oiponimíni.” yaiwiri “Xwiyfá nepaxiñí imóniñípimi dñíñí n̄ikwíróa oumíni.” yaiwiri “Ámáyo dñíñí s̄ipí owimíni.” yaiwiri “Ámá tñi píyíá owfrinaneyí.” yaiwiri nerí ámá ikwíráñáníñí imónigfápimi dání Ámináo arírá oneainiri urarigfáyí tñi nawíni xixení e éfríxini.

*“Xwiyfá ikweakwímí rarigfápi arfá miwí pírániñí wé uróirixini.” urinjí nánirini.*

<sup>23</sup> E nerí aí xwiyfá majimajfá nikáriñiro dñíñí ríá n̄ixeyánimáná ikweakwímí rínarigfápi bi xe onixímeaniniri s̄iñwfí m̄iwíñipa éfríxini. Joxí n̄ijfáriñi. Xwiyfá apí n̄iriniróná sa ximiximíni niniro rínarigfá enagí nání raríñini. <sup>24</sup> Ámináoyá xináiníñí nimóniri omiñí wiiarigfá giyí giyí xwiyfá ximiximí niniro m̄iriña éfríxini. E mepa nero ámá nñi nání wá wumixiro pírániñí uréwapíyipaxí imóniro “Sipí ámá ayí nikárfápi ananiriñi.” yaiwiro éfríxini. <sup>25</sup> Uréwapíyaríná

manjí pírít wiaikímí yarigtáyo awayiní xwiyáta nuriro pírániñí wé uroaniro éfríxini. Ayí “Xwiyáta nepaxiñí imóniñípi, ayí apírfaní?” niyaiwiwo xixení e waropári epírifa nání xámí imónigtápi Gorixoyá díñí tñi ríwimini mamófríxini awayiní xwiyáta nuriro pírániñí wé urófríxini. <sup>26</sup> Ámá ayí ámi díñí fá nixiriwo awí obo —O xío wimónariñípi oépoyiniri yapí wiwapiyinorini. O awí ñweanjí manjí umóníápimi dání ayí nurakínárimí úfríxini awayiní xwiyáta nuriro pírániñí wé urófríxini.

### 3

*“Jisasomi oxidimini.” yaiwiariñagí aí ámá sipi xixegní epírifa nání sanjí runintárini.” uríñí nánirini.*

<sup>1</sup> Joxí riþí nání díñí irónei. Síá yoparí imóniñíyí tñjíná Jisaso weapiníayí síní mimóniñjáná “Omí aníñí ouxfdaneyí.” yaiwiariñáyo sanjí wunipaxí imóniñípi wiñeaníráriní. <sup>2</sup> Ayí ámá sipiýí riþí riþí epírítá enagí nání raríñini. Wiwaníñíni díñí sipi iníro nígwí nání ikñíñí sipi iníro miþí meakñíñíro wárixá imóniro ikayíwí riþo xináixaneyo aríkwíkwí wiro ámá amípi nañí bí wiagfa aí yayí miwipa ero pí pí ñwíá imóniñípi wiwiá rírómi ero <sup>3</sup> úrrixímeáyo díñí siþí muyipa ero símisi neainíróná piyíá miwírínipaxí imóniro sipi owímeaníri mimayfó riþo pí pí feapá winariñípi miwiaikipaxí imóniro pí pípi oyaneyiniri neróná ímí tñi ero pí pí nañí imóniñípi nání wikí óniro <sup>4</sup> wigí wíñiyí aí nání miyí uríro pasá umero

ayá nepeárimáná úrapí ero wiwaninjyí nání “Seáyi e mimónipa reñwini?” yaiwiniro amípi neríná Gorixo yayí winarinqípi nání íkfnijí sipi bí miwí wiwaninjyí yayí winarinqípi nání íkfnijí sipi wiyo epírarári. <sup>5</sup> Mimóní xwiyfá níriro “Gorixomi pírániñí xfdaniro rfa yariñoi?” oneaiaiwípoyñiri nero aiwi oyá ení eáninjí xfomí xfídiprúa nání wimixipaxí imóninjípimi ríwfí umopírarári. Ámá e yarigfáyí tñjí e yarírórixiní. <sup>6-7</sup> Ayí ámá ayíyá wí rípi yarigfá enagi nání “Ayí tñjí e yarírórixiní.” rírarinjí. Wigí xwiyfá píyípíyí urarigfápimi dání aní ákiñáyo nípáwiro apíxí wigí fwí éfápimi dání ayá uduñarinqíwamí —Íwa dñjí nípíkwini mimaxirigfíwariní. Wigí mñjí winarinqípimi dání sipi oyaneyiníri nípemeánimí warigfíwariní. Níjíá oimónaneyiníri aninjí miní néwapñiri aí xwiyfá nepaxinjí imóninjípí tñi xixení níjíá mimónarigfíwariní. Íwamí yapí wíwapíyaríná arfá níwiyo nání gwýóninjí nikirípeaániri yweañoi. <sup>8</sup> Eníná Janiso tñi Jaboriso tñi awaú Mosesomi manjí pírfí wiaikímí yaníri nání egíipa ámá sipi ayí — Ayí dñjí ríá xeyánigfáyí enagi nání dñjí nípíkwini mimoarigfáyírini. Xwiyfá nepa imóninjípimi dñjí míkwíroariñagfa nání Gorixo ríwfí umonjyírini. Ayí ení awaú egíipa axípi xwiyfá nepaxinjí imóninjípí pírfí wiaikímí yaníro yarigfári. <sup>9</sup> Eníná yegí Isíreriyí wigí awaú Mosesomi manjí pírfí wiaikímí owiaiyiníri yarigfípí siñwí níwínañxfíróná “Majimajíá nikáriníri rfa yariñi?” yaiwiagfápa agwí

ríná ení ámá níni sípí yarigfáyí wigí yarigfápi  
sínjwí mí nómixiróná “Majimajfá nikáriniro  
rítá éfawixiní?” yaiwipfríá enagí nání xwiyá  
nepaxiñí imóniñípí pírfí wiaikímí yaniro  
yarigfápi sípúrúrít epírfáriní.

*“Nioni riréwapiyinjápi xaíwí fá xirfirixiní.”  
urijfí nánirini.*

**10** Joxí nioní tñí nemerai sínjwí nanaxídagoxí  
enagí nání nioní ámáyo uréwapiyemeagápíraní,  
nemerína yagápiraní, e oemíñirí yagápiraní,  
Gorixomi dñíjí níwíkwíróa wagápiraní, wilkí  
míwónípa nerí awayini yagápiraní, ámá nání wá  
nunagpíraní, xeaniñí xwámámí wiagápiraní,  
api nípíni yagápi nání joxí níjjáriní. **11** Nioní aní  
Adiokiyí ríñiñípími tñí Aikoniamiyí ríñiñípími  
tñí Risítíraí ríñiñípími tñí aní apiaú apimi  
wáfí urímeárína xeaniñí nikárítagí nání ríñiñí  
nímeanípí nání ení joxí níjjá imóniñíntí. Xeaniñí  
rítá tñíjí nikárayíagfa aí xwámámí wiñáriní.  
Api nípimíni dání Ámináo éf nímíminíñíriní.  
**12** Ai, ámá Kiraisí Jisaso tñí nawíni ikárinigfá  
enagí nání omí pírániñí oxídaneyiníri yarigfá  
níyoní ení xeaniñí wímeaníráriní. **13** Ámá  
sípí yarigfáyí tñí mimóní yarigfáyí tñí wigí  
sípí yarigfápi sayá nimixa nuróná wíyo yapí  
wíwapiyiro wiwaníñíyí oboyá dñíjyo dání yapí  
éwapíniro epírfáriní. **14** E epírfá enagí aí xwiyá  
joxí riréwapiyinjápími dání níjjá imónirí “Api  
nepaxiñí imóniñípírfaní?” yaiwiárití enípí  
wí aríá mikeamó xaíwí fá xirfirixiní. Ayí  
rítípí nání ríraríñíntí. Joxí nene xwiyá apí

rīrīñwaéne nání “Ayí díñf ḥwírári paxíyfríani?” níyaiwiri pírániñf níjíá imóniri <sup>15</sup> oníná dání ríwamíñf Gorixoyá níríníri eáníñfpí nání níjíá imóniri enagí nání ríraríñini. Ríwamíñf níríníri eáníñf apí joxí fá níroríñfpimi dání díñf émí saímí moñfpí moríá nání sítwániñf sipemearí Kiraist Jisasomí díñf wíkwírófpimi dání yeáyí ríyimíxemeanía nání sítwániñf sipemearí epaxírini. <sup>16</sup> Gorixoyá ríwamíñf níríníri eáníñf nípíni xíoyá kwíyípimi dání níríro eagíápírini. Nepa imóníñfpí nání nearéwapíyipaxí imóniri xeñwí yariñwápi nání sítwá neaipaxí imóniri ayíyumí neaipaxí imóniri wé róníñf imóníñfpí yaníwá nání yayíwí neamepaxí imóniri enípírini. <sup>17</sup> Xwíyíá apí ámá Gorixoyá imónígíáyí rípiaú epírúa nánírini. Xíoyá “E érírixini.” wimónariñfpí epírúa nání ení sítwí eáníro pí pí nañí imóníñfpí epírúa nání ipímóníro epírúa nánírini.

## 4

*“Xwíyíá Gorixoyápi wáf uríri xixeni erí érírixini.” uríñf nánírini.*

<sup>1</sup> Kiraisit Jisaso níweapíri ámá níyoní sítjání níwimónimáná mítixí ináyíñíñf nerí ámá xíoyáyí xwioxíyo mítmeámí erí pegíáyoraní, sítí sítíñf nimóniri níweagíáyoraní, womí womí pítá nítméra urí eníá enagí nání o tñí Gorixo tñí awauí sítjwí anigíie dání xwíyíá apimi joxí wiárí mítmúropaxí imóníñf rípí orírimíni. <sup>2</sup> Xwíyíá Gorixoyápi wáf urírixini. “Aríá owianeyí.” wimónariñagí níwíñiríñaráni, “Aríá mítwipa oyaneyí.”

wimónariñagí n̄iw̄inirfnáraní, wáf ur̄ir̄i nání ip̄imónfirixint̄. Ámá Gorixoyá imónigfáyí s̄ipí yariñagfá n̄iw̄inirfná wiḡ yarigfápi nání ayá owuduninir̄i m̄ixf̄ ur̄ir̄i “P̄ní wiár̄ipoyi.” ur̄ir̄i éfirixint̄. Jisasomí pírániñf̄ ouxfdpoyinir̄i enj̄ r̄irémitx̄ wíririxint̄. Ap̄i ap̄i ner̄i aí apaxí mé nañf̄ mimónariñagfá n̄iw̄inirfná wik̄ t̄n̄ mur̄ awayini nuréwapiyá úririxint̄. <sup>3</sup> Ayí r̄ip̄i nání r̄iraríñint̄. Xwiyfá enw̄ipeárinijípi ámá paimitmí n̄iwiro arfá m̄iwí ep̄irfíná r̄ixa aŋw̄i erinint̄. Ayí ap̄i arfá m̄iwí re ep̄irfárinint̄. Xwiyfá xeḡ b̄i imóniñjípiñiñf̄ arfá owianeyinir̄i wiḡ wimónariñjípiñiñf̄ arfá owianeyinir̄i wiḡ n̄imearo awí eámeámfn̄iñf̄ ep̄irfárinint̄. <sup>4</sup> Xwiyfá nepaxiñf̄ imóniñjípiñiñf̄ r̄iw̄imíñiñf̄ n̄imamoro p̄iyiñf̄ ikayf̄wfyo arfá n̄iwiro x̄daniro nání ep̄irfárinint̄. <sup>5</sup> Ayí e ep̄irfá enagí aí joxi dñj̄ nañf̄iñf̄ n̄imoriñf̄ x̄ixení ir̄inif̄ éfirixint̄. Pí pí simeáfp̄i sa xwámámí wir̄i ámáyo xwiyfá yayí neainaríñjípiñf̄ wáf ur̄imemínir̄i er̄i Kiraisoyá x̄ináixf̄iñf̄ nimónir̄i omiñf̄ wiirfá nání imóniñjoxiñf̄ ámáyo e wiw̄inigf̄inir̄i imóniñjípiñiñf̄ x̄ixení er̄i éfirixint̄. <sup>6</sup> Ayí r̄ip̄i nání r̄iraríñint̄. Gorixo nání nañwf̄ r̄idiyowá nerfná ápiawf̄ xwé owenir̄i iniigf̄ wainí iwaymoarigfápánijñf̄ nioní ḡi raḡi r̄ixa iwaymoaniro yariñoñf̄. Nioní n̄ip̄ikipf̄r̄ie aŋw̄i ayo enagí nání rariñint̄. <sup>7</sup> Nioní Kiraisomí nuxfdírfná ámá “Xfo xopirárí ninirfénijñf̄?” n̄iyaiwinir̄i enj̄ neánir̄i enj̄ menarigfápánijñf̄ yárfáonir̄inint̄. Ámá yamiyamúrónigf̄ niniróná yoparf̄ e müroarigfápánijñf̄ yárfáonir̄inint̄. Xwiyfá nene dñj̄ ikw̄troaríñwápi wí m̄imwiáró xaíwí fá

nix̄ira úáonirin̄i. <sup>8</sup> Ayinán̄i ámá yamiyamúróniḡi niniróná xám̄i müróom̄i yaȳ wimoariḡápa nion̄i nán̄i en̄i rixa imónárin̄íj̄pi, aȳ ríp̄irin̄i. Ámináo —O ámáyo p̄fá n̄imeríná xixen̄i wiḡ yariiḡápi tñ̄i wiiaríñorin̄i. O yaȳ n̄nimorī Kiraiso eñ̄pim̄ dán̄i “Wé róniñoxirin̄i.” n̄irárin̄íapirin̄i. Ap̄i nion̄i nán̄in̄i mimónin̄i. Aȳ ámá ḡiȳ ḡiȳ Kiraiso neḡ s̄iñw̄ aníñwaé weap̄w̄in̄iḡin̄i wimónariḡáȳ nán̄i en̄i imónin̄i.

*“Nion̄i tñ̄íj̄ e nán̄i aŋ̄n̄i b̄íríx̄in̄i.” uríñj̄ nán̄irin̄i.*

<sup>9</sup> Timotiox̄i s̄in̄i mé nion̄i tñ̄íj̄ e nán̄i b̄íríá nán̄i aníñj̄ min̄i éíríx̄in̄i. <sup>10</sup> Aȳ ríp̄i nán̄i ríraríñin̄i. Dimaso amipí ámá Gorixom̄i mix̄dariḡáȳ yariiḡápi nán̄i wimóníaḡi n̄iniep̄isamoárim̄i aŋ̄ Tesaronaikayo nán̄i úñníḡin̄i. Kireseniso en̄i Garesia p̄ropenis̄yo nán̄i úñníḡin̄i. Taitaso en̄i Dar̄mesia p̄ropenis̄yo nán̄i úñníḡin̄i. <sup>11</sup> Ruko xeḡ xewin̄i nion̄i tñ̄ni ñweañwi. Ayinán̄i jox̄i Makom̄i n̄iwirimeámi b̄íríx̄in̄i. O san̄j̄ n̄irónaropax̄ imónin̄o enaḡi nán̄i ríraríñin̄i. <sup>12</sup> Nion̄i Tikikaso rixa aŋ̄ Epesasīyo nán̄i urowárfáriñi. <sup>13</sup> Jox̄i n̄ibíréná ḡi iȳá n̄ipánoȳ aŋ̄t̄ yō Tírowas̄yo Kapasoyá anjiwámi p̄ñi wiáriñáú tñ̄ni b̄íkw̄i tñ̄ni n̄imeáxa b̄íríx̄in̄i. E neríná “B̄íkw̄i s̄ip̄isip̄ wará tñ̄ni imix̄in̄íj̄pi, ap̄i aŋ̄ipax̄ír̄an̄i?” n̄iyaiwir̄i ap̄i en̄i n̄imeáxa b̄íríx̄in̄i.

*Arek̄sadao nán̄i uríñj̄ nán̄irin̄i.*

<sup>14</sup> Amipí ainix̄i tñ̄ni imix̄aríñj̄ Arek̄sadao, o aga s̄ip̄i nikáriñj̄in̄iḡin̄i. E nikáríaḡi aí Ámináo

xíó nikáriñípi tñi xixení pírf umamonfárini.  
 15 O aga sippí nikáriñí enagí nání joxí ení  
 ámá omí sijwí níwínañdiri éirixinti. O none  
 uréwapíyemeariñwápí mímíwiaíkí emíniri nání  
 mítimfrí niaxídfí enagí nání raríñinti.

*“Ámá níniepisamoárimi úagfa aí Gorixo éf  
 nímíminíñfrini.” uríñí nánirini.*

16 Iwamfó xwírixíxí nímeairiná nioní  
 wákwínimíniri xwíyfá uraríná ámá wo  
 sopíñí mítónó níni níniepisamoárimi  
 útawixinti. “E nífápi nání Gorixo xwíyfá bí  
 mumearipa éwínginti.” nimónarini. 17 Ayí  
 níniepisamoárimi úagfa aiwi Ámínáo wí  
 mítiepisamó ejí sifxí nímitxíñí enagí nání nioní  
 aní xwírixíxí niarígíwámí dání xwíyfá nioní wáí  
 rímeairinápi uraríná émáyí aní amí gími dáníyí  
 aríá nigtáriní. Ai, maní nioní umóníñápimí dání  
 Ámínáo éf nímíminíñfrini. 18 Ayínání nioní  
 níjífrini. Nioní sinní xwfá tífyo ñweanjáná pí pí  
 Poromí sippí owikáraneyiniri nífápi Ámínáo  
 ananí éf nínímíminíñisáná anínamí xfoyá  
 xwioxíyo oñweaniri yeáyí níyimíxemeañfárini.  
 Ayínání omí íníná seayí e numífeyoáa úwanínginti.  
 Apí e éwanínginti.

*Yayí niwiowáriñá uríñípi nánirini.*

19 Joxí Pírisiraímí tñi Akwiraomí tñi ayaúmi  
 tñi Onesiporasepówami tñi ámá ayo “Poro  
 yayí seaiwárénapíñoi.” urírixinti. 20 Re nání  
 níbiriná Erasítaso aní Koriníyo uríñíñfrini.  
 Tiropimaso sítixí yariñagí aní Mairitasíyo  
 wáriñáriní. 21 Ríwípí yariñíná sinní mimóníñáná

sìnì mé aŋ̄nì b̄ír̄ix̄nì. Yubiuraso t̄nì Pudeniso  
t̄nì Rainaso t̄nì Kirodiao t̄nì yeḡ n̄ir̄ix̄meá  
re ɻweaḡyáȳ n̄nì t̄nì yaȳ siowârénapar̄ñoi.  
**22** Ám̄ináo wá r̄wian̄ri d̄ŋ̄f̄ r̄k̄kayor̄  
éw̄n̄iḡnì. Ap̄r̄nì.

**Xwiyá Gorixoyá Siñípírini**  
**The New Testament in the Ankave language of Papua**  
**New Guinea**  
**Nupela Testamen long tokples Angave long Niugini**  
copyright © 1990 Wycliffe Bible Translators, Inc.

Language: Angave (Ankave)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-03

---

PDF generated using Haiola and XeLaTeX on 21 Feb 2024 from source files  
dated 31 Aug 2023

7a156761-2cde-5bbc-8428-650a73434051